

OPTIEK  
San Nicolas  
tel. 5014



Uw kinderen  
groeten beter met  
**DOMO MELK**  
agente:  
**Veld Stores**

Dagblad



voor Aruba

7-Up.....  
A refreshing drink  
agents:  
**Veld Stores**



No. 3131

WOENSDAG 14 MEI 1958

# Mgr. Holterman A Pone Prome Piedra Pa Misa Di Fatima

**„Pueblo di Aruba ta masha noble y generoso, prueba ta e misanan bunita“**

ORANJESTAD: — Ayera tardi cu bahamento di solo, prome piedra ta wordo poni pa e misa di Fatima na Dakota, pa su excelencia Mgr. J. Holterman, Apostolico Vicario di Antillas Neerlandesas, Ademas pa e momento bunita aki, e dia tambe tabata un dia bon esentivo ta pases 41 anja pasa, cu Maria La Virgen na Fatima Portugal ta pases dilanti di e tres wardador di bestianan. Tabata un ceremonia masha impresionante y cu hopi hende presente, local ta masha comprendibel paobra ta hopi tempo eha cu Dakota ta desea un misa.

Tre personanan nos ta mira pater Micklinghoff, secretario di Obispo pater Van Dijk, prefect di St. Pius Juvenat pa muchanan cu ta sinja pa pater na Corsow. (na uja di 22 muchu dia cinco di Aruba) y hopi seorinan, pater, y dieros, anto nos ta mira tambe tije gezaghebber di Aruba, dis. K.H. de Boer y su senjora, diputado E.O. Petrona y O.S. Henri-

quez, eilandsecretaaris L.C.M. Kerstens, Ortiz di Ortiz y Gonzalez, kende ta construi e misa senjor T. J. Alkema di Boumaatschappij „Aruba“ kende ta e architecto di e misa, notaris Thijssen, damas di Cofradia di Fatima y hopi otro hende mas.

Tre cruz mas.  
Durante e ceremonianan Mgr. Holterman ta wordo asisti pa pastoor J.

Burgemeester O.P. como diaken, pastoor R. Weenink di Santa Cruz como subdiaken y pater Micklinghoff. Pater C. Kruidenberg kende ta encarga cu construcion di e misa aki, ta actua como ceremoniemeester. Prome Mgr. ta bendiciona e cruz grandi cu a wordo planta algun siman pasa na unda altar grandi di e misa lo bini. Despues na e lugar na unda e prome piedra lo wordo poni ta wordo lesa e documento, riba cual ta para detayanan di e construcion di e misa y tambe firma di hendenan cu tabata presente y di tin di haci cu e construcion di e misa. Ceremonianan ta tuma lugar y despues nan ta cera e documento den un bleki y hinke den e piedra. Nos ta nota cu Mgr. ta pinta tres cruz chiki riba e piedra por ultimo.

Bunita misa na Aruba

Despues di ceremonia obispo ta dedica algun palabru di gratitud na hende nan presente, specialmente na prome lugar na pater Kruidenberg y

su predecesor pater B. Fiek kende actualmente ta na Corsow. Tambe e ta gradici compania Lago pa su yudanza y tambe naturalmente tur e parochianan cu a yuda tanto cu nan por den accionnan y a duna un gran cantidad di placa cu mester pa traha e misa. Monseigneur ta alaba e hendenan na Aruba pa nan generosidad, nan bon caracter mira e prueba na e misa bunitanan cu Aruba tin. Obispo ta expresa cu e ta spera cu e otro mitar di placa cu ta falta ainda pa terminacion di e misa lo wordo hanja pronto.

Den number di parochianan di futuro pa Dakota senjor Van der Walle Arnenan ta gradici Monseigneur pa e yudanza cu e parochia aki ta hanja di dje. Sr. Arnenan ta expresa cu es dia aki di 13 di Mei 1958 ta un dia inolvidable pa parochia di Dakota. Di awor eha nan ta anhele pa e dia jega pa Monseigneur bin bendiciona apertura di e misa mes.

Bruidis



Durante ponemento di prome piedra pa misa di Fatima na Dakota, nos ta weita e momento cu su excelencia monseigneur J. Holterman, cu asistencia di pastoor J. Burgemeester O.P. como diaken y pastoor R. Weenink di Santa Cruz como subdiaken y pater Micklinghoff ta hasi e ceremonianan.

## Complot pa asesina vice-president Nixon a worde descubri

Nixon: „Ma sinja un les“

AFP a informa di Bogota, cu un portavos dje servicionan Mericano, cu ta cuida seguridad di vice-presidente Nixon, a informa cu e worde descubri un complot pa asesina Nixon. E atentado mester a tuma lugar of prome cu e sali for di Bogota, of prome cu su yegada na Caracas.

Comunistanan a planca e complot y a worde informa di dje den raportenan di servicio di informacion di Estados Unidos di Venezuela.

En contestacion riba un pregunta cual medida a worde tuma, pa asegura seguridad di vice-presidente Nixon, e portavos a contesta: te awor aki nos a tuma tur e medidanan preventiva normal en colaboracion cu e autoridadnan dje paisnan bishita. Pero nan a tuma medida preventiva especial pa e bishita na Caracas awe. Por ehemplo Nixon lo no corre den un auto habri, asina e portavos a bisa.

AFP a informa tambe di Bogota cu ayera noch como 200 hoben a tene demostracion den cayanan mas importante di Bogota pa exigi libertad di estudiantenan, cu a worde arresta dia prome cu Nixon a yega Bogota. Nan tabata tin lema cu tabata recorda cu Merca a instiga Panama pa separa na 1903, y nan a grita: „habao cu e imperialismo dje Yankee- nan“.

Atentado lo a sosode na Venezuela

Cabezante di servicio secreto di

### Independencia di Argelia mester realiza

TUNES: Presidente Bourguiba di Tunisia a declara durante su charla semanal cu tur hende mester sabi cu Tunisia lo no satisfice su mes mas cu speranza di independencia pa Argelia, pero cu e kier mira pa e independencia ey bira un hecho; e tabata discuti e conferencia na Tanger y e relacionnan cu Francia.

Bourguiba a bisa cu e ta conveni cu un gobierno eventual pa Argelia lo worde reconoci inmediatamente pa e paisnan comunista y e estadonan Arabi. Tambe Tunisia lo ta obliga di recooce un tal gobierno, y esey lo nifica un kibramentu definitivo cu Francia.

E hecho cu ainda no tin un tal gobierno ta pasobra Francia no ta tuma tempo pa corda e desventabanan di un tal situacion.

Loke respecta e relacionnan entre Tunisia y Francia Bourguiba ta spera di hanja un posibilidad ainda pa vega na un acuerdo cu e gobierno Frances venidero. El a elogia e „democracia“ di presidente Coty.

### Un milagro na Fatima

FATIMA: Na Fatima a sosode un milagro awe.

Durante e bendicion di e hendenan malu un ceremonia cu ta tuma lugar na fin dje peregrinacion nacional grandi dia 13 di Mei. Sr. Augusta Borges, kende pa 5 anja tabata obliga di drumi na cama cu un paralisisacion di su bjanan, a lanta para yorando di alegria.

E bendicion a tuma lugar pa e obispo dje islanan Filipino, Mgr. Belo del Rosario, mientras cu e ministro di defensa di Portugal, Santos Costa, a tene su „Umbella“.

Autoridadnan di misa lo mester dideci si esaki tabata un milagro en berdad.

Merca. Baughan a informa ayera cu el a ricibi noticia tocante e posibilidad di un atentado riba vice-presidente Nixon di Merca, ora cu esaki bishita Venezuela. Pero no tabata posible pa hanja confirmacion dje noticia, cu a bini di un ex-agente di servicio secreto, di otro fuente.

Segun a worde informa e agente a informa cu ta existi e posibilidad, cu comunistanan lo trata di logra cu un estudiante Venezolano lo tira Nixon mata durante su bishita na Caracas. E agencia di prensa Frances, AFP, a informa di Caracas, cu ayera noch e ministro di asuntunan interio Venezolano a declara na AFP, cu e rumoronan, segun cual comunistanan Venezolano a prepara pa asesina Nixon ta completamente imaginario.

Conseho municipal di Caracas a dicidi di no nombra Nixon como ciudadano di honor di Caracas. E no kier ricibi Nixon na stadhus tampoco.

Amistad Colombiano-Mericano  
Vice-presidente Nixon a entrega general Gabriel Paris, presidente dje junta militar cu ta goberna Colombia actualmente, un carta di Eisenhower, den cual e presidente Mericano ta declara entre otros: mi kier sigura su Excelencia cu Merca ta trata di estrecha e amistad Colombiano-Mericano y aumenta e colaboracion entre nos dos paisnan, loke lo contribui na mantenimento y fortificacion di paz riba e continente Mericano.

Nixon: „Ma sinja un les“

Vice-presidente Nixon di Merca a declara na un conferencia di prensa na Bogota cu e politiek comercial di Merca lo mester ta mas positivo, ora ta toca e paisnan di Merca Latino. El a bisa cu el a comproba cu pa e paisnan no ta solamente un pregunta puramente economico, e tin influencia riba henter nan situacion politico.

El a bisa: „Mi por bisa cu durante mi biah pa Merca Latino mi a sinja un les. Merca no por considera e preguntanan economico dje paisnan di e continente aki solamente manera festivo y limita su mes na e declaracion cu esakinan ta problema di otro pais y pa e motibo ey nan mes mester soluciona nan“.

Na Venezuela  
CARACAS: Segun a worde informa tubata tin dificultad na yegada dje vice-presidente Mericano, Richard Nixon, na Venezuela. Poliz mester a corre cu estudiantenan, cu a organisa demostracion.

E noticia aki ainda no a worde confirmada oficialmente.

Discusion entre KLM y Union di aviadornan no tabatin resultado

UTRECHT: E comision di mediacion den e kestion entre KLM y e union di aviador a tene un reunion di ayera tardi 4 or te awe mainta madrugando cu paso di dos na Utrecht.

Aunque nan intencion tabata pa firma e acuerdo tocante e conseho final na e reunion, e comision di mediacion a mira cu ta deseable y posible pa continua su mediacion.

Anda e discusionnan no tabata tin un resultado definitivo. Por spera un decision den algun dia.

NA NOS LECTORNAN!  
Pa motibo cu mayan Dialueis ta fiesta di Asuncion nos corant lo no sali. Diabierne dia 16 di Mei nos siguiente edicion lo sali trobe.

## Relato di Polis

Homber ta perde

ORANJESTAD. — Pa banda di siet'or dialuna anochi dos homber burachi ta reporta na warda di polis cu nan a perde nan amigra riba boulevard. Despues di a busca mas di ora y mei polisnan ta logra hanja e homber drumi for di tino, den poco yerba cantu di camina.

Conversacion trabahoso

Ora cu J.E.D. ta haci L.M. un bishita na su cas na Papilon e conversacion ta cayi tocante politico. Apartamente e senjornan no ta sigui e mes un lider, resultado ta cu rato despues L. ta worde hiba hospital cu cachete kibra.

Nan ta hanja

Na warda di polis na San Nicolas nan a depone Dialuna como obheto hanja un jabi na un rechi.

Dalimento

Den Bernhardstraat Dialuna atardi e vehiculo A-3248 y e truck A-506 respectivamente cu chofer G.J.R. y J.P.A. ta forma un cheque. E auto A-3248 ta hanja un gasto di solamente fl. 10.— mientras e otro ta hiba dango pa fl. 500.—. E motibo probablemente ta cu A ta corre mucho pega tras di e otro.

Cortamento

Den Village Th.W. ta corta un habitante di e lugar mencion den su cara. Dr. Desfont ta gancha e herida cu ta basta hundo. E homber cu a corta e muher aki un biah cabu cu cuchu ta worde deteni.

Kibra glas di bentana

F.D.W. ta reporta na warda di polis cu nan a kibra un glas di bentana cu piedra. E homber A.K. ta worde aresta y ta bao influencia di bebida. E caso ta worde investiga.

**FATUM — Tel: 1845**  
Pa tur bo aseguranan

## Criador di cacho- nan atencion

ORANJESTAD. — Especialmente esnan cu ta biba den barlo di garashi, deposito y talleran di DOW y ta cria cacho, es dianan aki especialmente mester paga extra tino riba nan bello. Ta sosode cu hendenan di e lugarnan ariba menciona ta hanja asina tanto perjuicio di e bestianan aki cu ta camina rond riba e lugarnan aki, cu nan a dicidi di tuma medidanan serio pa eha cu e cos aki. Dia 15, 16 y 17 di Mei riba terenonan mencionan nan lo pone eña venena pa mira si nan por mata e cachonan.

**CASHI PA BOEKI**  
**TEXAS FURNITURE STORE**  
Emanstraat 5 - Tel. 1082 - 1083

## Reserva di awa

ORANJESTAD. — Poco poco pero sigur e nivel di awa ta baha trobe:

20 Januari	29.560 m3
1 Februari	27.510 m3
1 Maart	22.400 m3
1 April	16.900 m3
1 Mei	9.430 m3
6 Mei	10.630 m3
11 Mei	9.830 m3
12 Mei	10.070 m3
13 Mei	9.730 m3

## Biba mihor cu ELECTRICIDAD

### Grupo politico nobo na Surinam

PARAMARIBO: Na Surinam tin un grupo politico nobo cu ta carga number di Nationale Unie.

E grupo ainda no ta un partido politico en herdad, pero e ta conscient cu el lo por bira un partido politico despues. E lidernan ta e senjornan A. Smit, H. Bergen, D. Polanen, E. Vanier J. Theunissen y F. Rijnher.

ANP a worde informa cu e N.U. ta mira e situacion politico actual ta indesable. El a declara cu N.P.S. a gana un eleccion 2 biah y E.F. un biah. Pero tantu N.P.S. como E.F. a haci error grave.

Awor N.U. ta haci propaganda pa handona e votamentu disciplinario di partido y ta na favor di eleccion di persona di integridad, y independiente pecuniariamente como miembro di staton.

El lo publica un corant tur luna.

CINE, DIARAZON 14 Y DIAHUEBS 15 DI MEI

### DE VEER THEATER

DIARAZON 8.30'or 18 anja  
Fis. 1.25 Fis. 1.00

#### „HOLLYWOOD OR BUST“

cu: Anita Ekberg — Dean Martin — Jerry Lewis

DIAHUEBS Matinee 6'or Tur edad  
Fis. 1.00 Fis. 1.00

#### „HOLLYWOOD OR BUST“

cu: Anita Ekberg — Dean Martin — Jerry Lewis

8.30'or 18 anja  
Fis. 1.50 Fis. 1.00

#### „WILL SUCCESS SPOIL ROCK HUNTER?“

cu: Jane Mansfield — Tony Randall — Betsy Drake — Joan Blondell

### RIALTO

DIARAZON 8'or 18 anja  
Fis. 1.25 Fis. 1.00

#### „AQUI ESTAN LOS AGUILARES“

cu: Luis Aguilar — Tony Aguilar — Rosade Castilla — Lucy Gallardo — Barola — Chicote

DIAHUEBS 8'or 18 anja  
Fis. 1.00 Fis. 0.75

#### „THE LONELY MAN“

cu: Jack Palance — Anthony Perkins — Neville Brand — Robert Middleton — Elaine Aiken

### PRINCIPAL

DIARAZON 8.30'or 18 anja  
Fis. 1.00 Fis. 0.75

#### „F BISHITA DI SU ALTEZA REAL PRINSES BEATRIX NA ANTILLAS NEERLANDES I SURNAM“

en combinacion cu e pelicula:

#### „THREE VIOLENT PEOPLE“

cu: Charlton Heston — Anne Baxter — Gilbert Roland — Tom Tryon — Los Violentos —

DIAHUEBS Matinee 6'or Tur edad  
Fis. 1.00 Fis. 0.75

#### „PEPOTE“

cu: Pablito Calvo

8'or 18 anja  
Fis. 1.25 Fis. 1.00

#### „F BISHITA DI SU ALTEZA REAL PRINSES BEATRIX NA ANTILLAS NEERLANDES I SURNAM“

en combinacion cu e pelicula:

#### „USTEDES LOS RICOS“

cu: Pedro Infante — Blanca Estela Pavon

### AURORA

DIARAZON 7.30'or 18 anja  
Fis. 0.25 Fis. 0.25

#### „TRACK THE MAN DOWN“

cu: Kent Taylor — Petula Clark — Renee Houston — El Rastro de un Malvado —

DIAHUEBS 7.30'or 18 anja  
Fis. 0.75 Fis. 0.75

#### „ROAD HOUSE“

cu: Ida Lupino — Cornel Wilde — Celeste Holm — Richard Widmark — La Taberna del Camino —

### SAVANETA

DIARAZON 7.30'or 18 anja  
Fis. 0.50 Fis. 0.50

#### „THE PHENIX CITY STORY“

DIAHUEBS Matinee 6.30 Tur edad  
Fis. 0.25 Fis. 0.25

#### „THE BADGE OF MARSHALL BRENNAN“

cu: Jim Davis — Carl Smith — Arleen Whelan

7.30'or 18 anja  
Fis. 0.75 Fis. 0.75

#### „FRANCIS GOES TO WEST POINT“

cu: Donald O'Connor — Lori Nelson — Francisquito en West Point —



Cu parochianan di Dakota tabata desea di hanja nan misa, ta worde comproba door di Interes cu nan ta mustra. Un multitud hopi grandi tabata presente manera nos por mira riba e portret aki. Awor nan ta anhele e dia cu e misa lo ta cla, esaki lo ta un dia inolvidable pa nan.

## MERCA TA MANDA PARACAIDISTA NA CARIBBEAN si ta necesario pa defende Nixon

Washington a informa oficialmente ayera noch cu dos companie Americano di paracaidista y dos companie di marinier Americano, na tur 1000 homber, ta na caminda na un base Americano den Caribe en conexion cu e demostracionnan na Caracas contra di vice-president Nixon.

Esakinan ta medidanan di precaucion Minister Dulles a entrega na e encargado di negocios Venezolano aya un nota pidiendo pa tuma tur medida pa proteccion di Nixon. Ademas e ta pidi tambe un contesta pura si Nixon lo por hanja suficiente proteccion.

Nixon a worde benta cu piedra segun un noticia cu nos a ricibi ayera noch di ANP, a bini noticia for di Caracas na yegada di Richard Nixon, vice-president Americano, tabatin demostracionnan ayu anti-american, door di eha a ser dicidi di cancela e programa pa permanencia aya di Nixon.

Un gentilio exita a benta e auto di Nixon cu piedra kibrande e glasan y heridando pasaheronan.

Estudiantenan cu tabata hacel demostracion tabata grita: „bui eis, Nixon“. Parece cu algun miembro di e Junta Militar tambe a worde benta cu piedra. For di Washington a bini e noticia cu

## Mas informe res- pecto explosion atomico

WASHINGTON: E comision Mericano pa energia atomico a informa cu awe mainta tempran a worde explata riba e terreno di experimento na Eniwetok, den Pacifico, un arma atomico. E biah aki tampoco e no a duna ningun detalle.

Na e instituto meteorologico di Tokio nan ta calcula cu e ultimo explosion tabata tin forza di varios megaton. Nan ta spera cu aki dos siman stot radioactivo lo cai riba Japon.

Protesta Japoni  
Ministerio di asuntunan exterior Japoni a anuncia cu Japon a protesta oficialmente cerca Merca contra e serie nobo di explosion Mericano cerca Eniwetok, y a supplica atrobe pa stop e experimentonan atomico.

## Bo ta kere?

Un actriz conel a contru cu un escritora tambe conel y a pintrei — Hiel, con tu bal, masha publicu cu bo boeki. Contami ta kende a skirbi pa bo?  
E escritora n contesta: — Mi ta contento cu b'u gozele, pero contami ta kende u lezele pa bo?













EL CISCO KID



Señora, la bise Cisco aki mi tin mas, no danki, cuanto mi tri di paga Cisco ta puntra.  
Pero ora e muher a weta e revolver e la perdé sinti, y e la grita Cisco, larga di aki, masha liher.  
Pero Cisco a keda weta cu un cara masha strano ta con e muher a cambia direpente asina.  
Kiko e ta bolbe puntra.  
Pero srta., mi no a hasi nada, Cisco ta bise, pero e muher no tin cuenta.

Tom Richardson, detective di fama mundial  
E CINTA ROOS  
Pa TUYUCHI

Sin embargo pa peligroso i cruel cu e buldog tabata, toch masha pa un milagro e na tabata vengativa cu Mabel, esta tamen cu e no trata na bai na e porta.  
Hasta e tabata permiti e mucha unke di pasa man riba su lomba i carite loke tabata un privilegio cu ta solamente e mso tabata te awor. I tambe e negre.  
I esaki a trece e mucha muhe infeliz riba e idea di haci uso di amistad dje cachor aki pa duna e esnan cu indubablemente tabata buske, un indicacion na unda e tabata.  
Sin cu nan a ripara el a los un cinta roos foi su shimis i a baci manera e tabata caricia e buldog, pero entretanto el a marra e cinta roos na su garganta baci di e bandichi.  
El a haci esaki na un manera asina agil, cu ni Barkoff ni e negre no a ripara nada absolutamente.  
I manera nos lectornan mes por a

CASHI PA BOEKI  
TEXAS FURNITURE STORE  
Eminastral 5 - Tel. 1082 - 1083

mira despues, cu e idea hunita e inteligente dje mucha muhe aki tabatin un resultado cu quizas e mes tam poco hama por a bise sonja.  
Ademas di esai, ni masha cuakier otro hende sin ta masha cuakier nan no por a comprende hama ta quico e cinta ai por tabata riba baci di bandichi dje cachor peligrosissimo aki.  
I dje manera ai nos ta mira cu gracia pa e mucha aki mes su agilidad i su inteligencia el a duna Richardson un indicacion, riba cual e por a salba e mucha muhe di su prison i asina arresta e criminalnan cruel.

Biba mihor cu  
ELECTRICIDAD

**Revitalize Your KIDNEYS**  
Feel Younger-Look Younger  
Nothing ages man or woman more than aches and pains caused by kidney action. This makes you suffer from Strong Cloudy Urine, Getting Up Nights, Burning, Itching Passages, Dizziness, Rheumatism, Backache, Leg Pains, Crises Under Eyes, Swollen Ankles, Loss of Energy, etc. CYSSTEX helps you clean and purify your blood of acids and poisons now creeping into joints and muscles. In 24 hours CYSSTEX kills kidney stones, strengthens kidneys and expels acids and poisons. Get CYSSTEX from any chemist or guarantee to put you right or money back. Act now! In 24 hours you will feel better and be completely well in a week.  
... Cystex  
For Kidneys, Rheumatism, Bladder

The hair cream for that  
**'just-combed' look**  
all day long!

**Vaseline**  
HAIR CREAM  
PREPARED FROM VITAMIN-ISED OILS

Agente voor Aruba:  
**CONTAL AGENCIES LTD.**  
Telefoon 1418

No ta necesario mes di bise cu den personanan di Sr. Watson i Sr. Marlin i pa no lubida Srta. Mabel mes tambe, Richardson a bini hana tres amigo intimo nobo cu no por a caba di cuente e detective aki su gloria.  
Ta di comprende cu Richardson a bin hana un recompensa real cerca tata di Mabel pa su gran trabao, cu tabata asina tanto exito.  
I no a dura mucho mas cu pa si-guranza, e dos pareha a bin uni cu otro den luz matrimonial, e lazo camina nan a hura otro amor i fieltad i cu nada na mundo lo no por separa nan mas foi otro i ta di comprende cu Richardson tabata un dje principal invitadonan na e matrimonio aki, pasobra ta pa motibo di Richardson nan tabatin awor e dicha di por a celebra hunto e dia di mas feliz di nan vida.  
F I N.

Erupcion di actonan di violencia  
na Beirut

Tuberia di zeto di compania di Irak a worde destrui  
BEIRUT, 13/5: — Na capital di Libanon, Beirut, tabatin acto di violencia ayera. Nan a cerra algun caya y cende barrilnan di zeta na candela.

A worde informa oficialmente, cu e tuberia di zeta di e compania di zeta di Irak, cu ta corre door di Libanon, a worde danja. E compania ta larga e zeta corre via Baniyas na Siria awor. E botoman di tanki ta bai aya awor na lugar di Tripoli. Segun a worde informa e danjo na e tuberia ta considerablemente grandi y dificil pa repara.  
Ayera noch e compania di zeta iraken a dicidi di cerra su dos tuberian di zeta cu ta corre door di Libanon, asina a worde informa na Bagdad.  
Segun e compania el a dicidi esaki como resultado dje situacion insegur na Libanon.  
E demonstrantenan ta di opinion, cu politik di gobierno ta muchu na favor di occidente. Normalmente Libanon ta un dje paisnan mas tranquil di Mediano-Oriente. E caya di Beirut pa Damasco, capital di Siria, ta cerra pa trafico.

**STREANAN**  
ta anuncia awe  
Awe ta un dia cu por trece hopi sorpresa pa e personanan romantico, mesos tambe pa otronan cu tin hopi aspiracion. Unhended tin mas tanto palabra awe den asun-tonan di diversion. No gamble cu bo suerte si bo kier conserva bo salud, mihor busca diversion social of romantico awe noch. Ta bon tambe pa traha plannan cu por beneficia bo salud.

Radio-Damascus a informa ayera noch, cu durante e irregularidadnan di ayera, demonstrantenan a cende e bockhandel di servicio di informacion Mericano na Beirut na candela.  
Durante irregularidad na Beirut 6 ciudadano y probablemente 3 poliz a muri, asina radio-Damascus a informa.  
Radio-Cairo a informa cu e partidoman di oposicion a duna gobierno un ultimatum, exigiendo su retiro. Pero funcionarian Libanes a nega di duna presidente Chamoun e ultimatum.  
Segun e transmision Egiptia e patriarco dje maronitanan, Holous el Maoutchi, a suplica e embajador Mericano na Libanon pa no entremete den e asuntonan interno di Libanon. E maronitanan ta e grupo cristian mas grandi na Libanon. E patriarco a bise cu intervencion di Merca den e circunstancianan actual lo nifica apoyo na un individuo contra henter e poblacion. (Na Maati e patriarco a expresa su nes na favor dje republi-ca uni Arabe).

Situacion ta empeorando  
E situacion na Beirut a keda tur bruba awe tardi. E incidentenan a aumenta y den e districtonan occidental di capital di Libanon trupa di seguridad ta patrulla, arma cu mitrailleur, Den e zona aki tin varios barricada, algun di nan ta kima. E parti aki dje ciudad ta tur cerra pa trafico, pasobra ta imposible pa ningun vehiculo pasa. Regularmente por tene timentu y explosion, cu ta crea un atmosfera di paniek. Dilanti di palacio dje presidente tin barricada.  
E huelga general ta di vigor pa henter e pais, y tur hende ta cumpli cune. Dje provincia a worde informa, cu e ciudad chikiti Zghorta ta den man di poblacion, cu e brug mas importante entre Beirut y Saïda a worde destrui y cu varios pilar pa wuya di electricidad a worde tumbá. Segun informacion miembronan dje tribu Jassaf a explota e tuberianan di Irak Petroleum Company, den cercania di Bukacchia den vecindario di Akkar (Norte-Libanon).  
Awe tardi parlamento di Libanon lo reuni pa seucha un declaracion dje ministro-presidente.  
Arma di Egipto confiscada  
Boto di guardacosta Libanes a confiscar un boto cu arma, municion y suma grandi di placa Egiptia na altura di Damur, 16 km parti sur di Beirut. E boto a bini di Gaza. E 12 pasaheronan a worde arresta. Ayera noch hende cu no a worde reconoce a ataca e puesto na frontera di Libanon y a cende na candela, e tabata e oficina di duana mas importante riba e caminda di Beirut pa Damasco. Aina no tin mas detalle tocante dje timentu dje duaneronan. Segun informacion 7 di nan a worde asocia.  
Poco tempu pasa e diplomata di Belgia a worde detene na e puesto e pasobra e tabata importa arma na Libanon, loke ta prohibi.  
Den cercania dje ciudad Saïda nan a kima un brug awe mainta, loke a causa awor cu e comunicacionnan cu parti sur di Libanon casi tur ta kibra.  
Protesta serca Republica Uni Arabe  
E ministro di asuntonan exterior Libanes, Charles Malik, a informa awe na un conferencia di prensa, cu gobierno di Libanon a manda gobierno dje republica uni Arabe un nota pa protesta contra e intervencion dje pais ey den e asuntonan interno di Libanon. E ministro a menciona va-

rios incidente, cu a sosode na Libanon, y den cual elemento di Siria y Egipto tabata tin un parti ehecutivo.  
El a menciona e caso dje consul-general Belgico na Damasco; e at: ke riba e puesto di duana na El Masna, na frontera Siria pa 500 hombre arma, cu a pasa e frontera y cu a cende tur vehiculo cu tabata na e lugar ey na candela, despues di a mata e 6 duaneronan; e arresto na Tarbaya, parti norte di Beirut, di 11 Palestino, cu tabata tin arma y a bini di Gaza over di laman; e arresto na Barja, parti sur di Beirut, di un otro grupo di 11 Palestino, cu tambe a bini di Gaza over di laman; presencia di emba-reacion, ripara pa avion di orientacion, na e costanan di Libanon; e arresto den suburbionan di Beirut di 24 estranhero, algun di nan tabata tin kaarchi di identidad Sirio y nan tabata hanja informacion tocante ad-res dje politiconan mas importante Libanes.  
E ministro a muestra cu tin conex-ion entre e incidentenan aki y e su-cesonan na Libanon actualmente y cu ta desea di causa un cambio radical den orientacion politico fundamental dje pais.  
El a contesta riba e pregunta si Libanon tin intencion di keda cerca nacionnan uni, cu tur posibilidad ta worde considera.

BEIRUT: E presidente di Libanon, Camille Chamoun, a yama e emba-hadorman di Francia, Merca y Inglaterra cerca dje awe pa tene discusion cu cada uno aparte.  
Segun observadornan e discusion tabata toca intervencion estranhero na beneficio dje demonstrantenan y e posibilidad di un kelo di Libanon cerca consejo di seguridad di nacionnan uni.  
Entre tantu openbaar ministerio a duna order pa arresta tur hende cu a firma e yamamentu pa tene un huel-ga general.  
A worde informa, cu awe presiden-te Chamoun a atende personalmente e interrogacion dje consul-general Bel-gico, cu a worde arresta ayera, ora cu el a trata di pasa frontera Sirio-Liba-nes den un auto, cu tabata yen di arma, municion y documento secreto.  
E capitan di poliz, Henri Chehad, un primo dje comandante supremo di cherito Libanes, a muri awe durante timentu entre poliz y demonstran-tes na parti occidental di Beirut. Va-nos demostrante a muri.  
Gobierno di Libanon a segura Mer-ca, cu e lo tuma tur medida pa pro-tega bida y propiedad di e Mericano-nan na Libanon, asina e portavos di state department na Merca a informa awe.  
E portavos a declara cu awe tardi state department tabata tin contacto telefonico cu e embajador Mericano na Libanon, kende a informa, cu e situacion na e pais ta tur bruba. E portavos a declara cu e no por bise si e situacion aki ta husto den cuadro di doctrina di Eisenhower.  
Trabao di elementonan estranhero  
„Nos por segura cu tur incidente cu ta sosode na e pais aki actualmen-te, ta trabao di elemento estranhero”, asina e prome ministro Libanes, Sami Solh, a declara awe tardi pa prensa. El a expresa su conviccion, cu gobier-no por pone un fin na e sucesonan aki.  
Solh a lesa documento cu nan a ki-ta for dje consul-general Belgico, Louis de San. Den un carta firma pa un tal Hamed na Damasco, tur esnan cu mester hanja e armanan cu e consul-general tabata tin den e auto, a hanja instruccion estricto tocante uso

Musial cu su hit  
3000 ayera

(Di nos Sportreporter)  
SAN NICOLAS. — Stanley Frank Musial a pusha su total di hit ayera den e partido contra Chicago Cubs na un total di 3000. Antayera e a conecta un doble pa hit numero 2999 y ayera el a bolbe ripiti cu un doble pa hit 3000 y consagra su mes entre e mayor leaguersnan manera Tris Speaker 3.515, Honus Wagner 3.430; Ed-die Collins 3.313; Nap Lajoie, 3.251; Paul Warner 3.152; Cap Anson 3.081. Y como Musial a constata cu mientras ho ta sinti amor pa e deporte, ho por hunge semper cu e animo y espiritu joven, y aunque ta pree cu edad lo catch up eega pome cu e por empareha of yega cerca di Ty Cobb's su coleccion di 4.191 hit pa Musial tal vez por ta posibel. Actual-mente Stan Musial tin 37 aña di e-dad y ta na cabez di ambos ligas ac-tualmente den average di batco. Su hit numero 1000 el a conecta for di un lanzamiento di Chamber. Su hit numero 2000 el a conecta for di un lanzamiento di Simmons, y ayera tar-di el a conecta su hit numero tres mil (3000) for di Drabowski. Esaki a socede ora e tabata tin dos strikes y a haci cambio di bate y a conecta un doblete. E partido a worde deteni momentaneamente pa e fotografonan saca un shot di Musial cu su hit nu-mero 3000. E ta un di e big leaguers-na cu a logra 3000 hit den 16 tem-porada. E otronan mayoria ta den 17 pa 22 temporada. Y asina Stanley Frank Musial („The Man”) a join e compania selecto di e seis otro big lea-guernan cu a kibra 3000.

Informe di comision campo di  
concentracin na Formosa

PARIS: Segun un raporte dje „co-mision internacional contra e sistema di campo di concentracion” miles di Chines na China comunista ta biba den mas o menos 300 campo di tra-bao forsa, asina e corant Frances „Le Monde” a informa.  
Segun e presidente dje comision in-ternacional e raporte mes ta di un an-ja pasa, pero algun tempu pasa e de-partamento di documentacion a pu-blica e raporte den forma di buki.  
E investigacion a worde haci pa un comision especial di 13 hende, bao di direccion dje Hulandes Mr. C. van Rij miembro di directiva dje comi-sion internacional, kende a muri si-man pasa.  
Continuacion di pag. 3

Apertura di Staten

Maarten tambe den e sentido aki tin plannan ta worde traha.  
Pronto lo worde publica resultado di e investigacion di budget na Aruba y Corsow. Un investigacion similar lo tuma lugar tambe na Bonaire y Islanan Aruba jambe pronto.  
Plannan pa desarrollo economico di Bonaire y e Islanan Ariba ta na estu-dio, cinco especialista cu Hulanda a pone na disposicion a base di ayudo tecnico a coopera ciden.  
Ta di lamenta cu e arreglo nobo pa asegurado di vehes no a bini cla ainda.  
A yega na un arreglo cu CPIM to-cante un contract di trabao y den e-sei e Presidente di e College di Rijks-bemiddelaars a duna gran asistencia. Ademas a bini cla varios otro arreglo-nan den sector social. Un sueldo mi-nimo pa trabadornan di pan a keda estableci pa Aruba e sueldonan mi-nimo pa personal cu ta bende na pa-cus. Dia di Obrero, 1 di Mei, a worde proclama pa cumpli cu un dese-o di basta tempo caba.  
Cambian den Burgerlijk Wetboek ta na estudio y tambe e Ongevallen-regeling.  
Gobierno a sigui haci esfuerso pa combati asunto di desempleo.  
Hopi a worde aleanza den desa-rollo di leyman social, sin embargo ain-da falta masha pa por alcanza e ni-vel den e paisnan democratico, pesai e trahadornan mester corda cu dere-chonan ta trece cu nan debternan. Go-bernador Speekenbrink a termina su discurso sperando cu den anja di Sta-ten nobo hopi cos bon lo worde ha-ci door di e Gobierno nobo na inte-res dje pueblonan di e islanan aki y cu cooperacion di uno y tur sin duda e resultadonan lo ser favorable.  
Haciendo votos pa bendicion di Dios riba trabadonan di Staten S.E. a declara e sesion di Staten habri.

di nan, ataca e patrullanan di poliz mobil y poliz ordinario, kita nan armanan, pone barricada y haci loke ho ta hanja ta bon, segun ehemplo di Tripoli.”  
Lorenzo cu su dos amigonan ta para ta combersa na cura, y ata Pepita ta hama, Lorenzo ho a priminti di judami seca e tjonanan. Mi ta bini un bez e ta contesta.  
Pero Lorenzo ta sigi papia di dje, y awor Pepita ta bolbe jame, y ta bise, pero awor ta di tres biaha cu mi ta jamabo, Si mi ta bini, pero e ta sigi combersa bai.

Demonstracion na Aura's Beauty Shop



Den Aura's Beauty Shop na Oranjestad hopi beauticians ta reuni hunto, riba invitacion di senora A. Croes, propietaria di e salon y miss Gladys Hale —experta di fabrica di de Roux di New York. Ta worde hasi un demonstra-cion cu e modelonan Ramona Lechner, Luisila Lopez y Catharina Hernandez, miss Hale ta mustra effecto di su produccion. Durante di e demonstracion e ta worde asisti pa sra. Croes y assistenta Ceta Soobryan. Manera nos por mira riba e portret tabatin hopi interes pa e demonstracion.

E competitie di  
biljart ta ter-minando

SAN NICOLAS. — E boad di bil-jart ta duplicado e participantenan cu ainda tin algun wega atrasa pa hun-ga esakinan, ya cu e competitie ta terminando. Y durante siman cu a pasa nos a ricibi den competencias e siguiente resultadonan:  
Francisco Arends a gana facil di J. Schothorgh cu 150 puntos pa 91. August Themen a logra gana Arturo Frans cu 150 pa 113. Vidal Arends 150 y M. Sweitz 102. Mario Bislick tambe a gana M. Sweitz cu anotacion di 150 pa 137. Zepp Bislick a logra victoria contra di J. Schothorgh pa 150 puntos contra 109. Francisco Arends a gana Mario Bislick 150 pa 80. M. Akset 150 y Vidal Arends 56. Akset atrobe e biaha aki contra Ino-cencio Farro ganando facil 150 pa 70.

Oplissing kruiswoordraadsel  
3. A.P.  
5. ras  
8. op  
10. al  
14. eren  
19. Epe  
23. on  
31. mat  
41. Est  
4. koe  
4. pan  
6. Alp  
9. pro  
16. Emma  
19. en  
21. erg  
30. E.K.  
33. le

Asuncion Tromp ta celebra su cumpleaños y e ta ricibi hopi felicitacion di su esposa Zenovia, juna Herbert, Myrna, Cristofor, Nelsa Magda Eileen, Violet, Ireen, Frankli Roy, rumen Etelina, y Jan Luc Anan Rames. Mario na Corsow, ruman Wendelijn Florencia y espo-na Corsow.

Dennis, de Schrik van de Buurt



„Vind je zelf niet, dat je wat te klein bent voor zeeman?”  
„Bo mes no ta hanja cu bo ta poco chiki pa ta matroos?”

PEPITA



Lorenzo cu su dos amigonan ta para ta combersa na cura, y ata Pepita ta hama, Lorenzo ho a priminti di judami seca e tjonanan. Mi ta bini un bez e ta contesta.  
Pero Lorenzo ta sigi papia di dje, y awor Pepita ta bolbe jame, y ta bise, pero awor ta di tres biaha cu mi ta jamabo, Si mi ta bini, pero e ta sigi combersa bai.

Por CHIC YOUNG